

UTHM sahut hasrat kerajaan

PASIR GUDANG - Universiti Tun Hussein Onn (UTHM) diberi kepercayaan Kementerian Pengajian Tinggi untuk menggerakkan usaha mendekatkan golongan usahawan siswazah dengan masyarakat melalui Fiesta Usahawan Muda Siswazah 2011.

Penolong Naib Canselor Hubungan Industri dan Masyarakat, Profesor Dr Jailani Yunos berkata, sebagai sebuah institut pengajian tinggi awam (IPTA) yang sinonim dengan bidang teknologi dan kejuruteraan, UTHM tidak ketinggalan menyahut hasrat transformasi kerajaan.

Beliau berkata, transformasi itu seperti yang digariskan Kementerian memasukkan elemen keusahawanan sebagai salah satu projek agenda kritikal (CAPs) pengajian tinggi negara.

“UTHM mengambil peluang ini untuk memberi peluang kepada pelajarinya melaksanakan aktiviti keusahawanan pelajar di UTHM di selaraskan di bawah Pusat Teknousahawan.

“Melalui fiesta ini usaha-



■ A Rahim (empat, kiri) dan Jailani (empat, kanan) bersama barisan artis dan wakil UTHM pada sidang media, kelmarin.

wan siswa UTHM akan memamerkan dan membuat jualan produk hasil mereka secara terus kepada orang ramai,” katanya pada sidang media sempena Fiesta Hari Pekerja dan Fiesta Usahawan Muda Siswazah 2011, di sini kelmarin.

Penglibatan UTHM dalam fiesta anjuran bersama Majlis Perbandaran Pasir Gudang (MPPG) itu adalah sebahagian daripada usaha mengukuhkan jalinan bestari universiti bersama industri dan masyarakat melalui

pemindahan ilmu sebagai matlamat utama.

“UTHM juga akan memamerkan hasil-hasil penyelidikan dan inovasi ciptaan penyelidik UTHM, jualan buku, pameran Kembara Mahkota Johor, senamrobik serta demonstrasi robot.

“Kami berharap usaha memperkukuhkan tanggungjawab korporat-sosial (CSR) ini mendapat sambutan dan maklum balas positif dari pihak industri dan masyarakat,” katanya.